



Broj: 02-11-2184/25-AP-9
Datum: 19.12.2025. godine

Na osnovu člana 72. stav 3. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/22 i 6/23), člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Sanacija ulice Gazi Husrev begova, Grad Zavidovići“, Gradonačelnica Zavidovića, donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-2184/25-AP-8 od 12.12.2025. godine, iz razloga što izabrani ponuđač „GEO-PUT“ d.o.o.MAGLAJ nije prihvatio ugovor javnoj nabavci radova „Sanacija ulice Gazi Husrev begova, Grad Zavidovići“.

Član 2.

Prihvata se preporuka Komisije za javne nabavke, te se Ugovor o javnoj nabavci radova „Sanacija ulice Gazi Husrev begova, Grad Zavidovići“, dodjeljuje trećerangiranom ponuđaču „MGV GRADNJA“ d.o.o. ZAVIDOVIĆI koji je dostavio ponudu broj: 70/25 od 18.11.2025. godine u postupku dodjele ugovora o javnoj nabavci radova „Sanacija ulice Gazi Husrev begova, Grad Zavidovići“, u kojoj je nakon e-aukcije ponuđena ukupna cijena od 49.799,00 KM (slovima: četrdesetpetiljada i 00/100 KM) bez uračunatog PDV-a.

Član 3.

Ponuđač kojem se dodjeljuje ugovor iz tačke 2. ove Odluke ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke u skladu sa članom 45. Zakona o javnim nabavkama („Službeni glasnik BiH“, broj: 39/14, 59/22 i 50/24).

Član 4.

Ova odluka objavit će se na web stranici ugovornog organa u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnice broj 02-11-2184/25-AP-2 od 27.10.2025. godine pokrenut je postupak dodjele ugovora za javnu nabavku radova „Sanacija ulice Gazi Husrev begova, Grad Zavidovići“, čija procijenjena vrijednost (bez PDV-a) iznosi: 50.230,40 KM. Postupak se proveo putem otvorenog postupka za koji je dana, 29.10.2025.godine upućeno Obavještenje broj 1374-1-3-241-3-188/25 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 18.11.2025. godine do 12,00 sati dostavljeno je 5 (pet) ponuda, i to ponude sljedećih ponuđača po prijemu prispjeća: 1. „HAJDIĆ“ d.o.o.MAGLAJ; 2. „DOBOJPUTEVI“ d.d. DOBOJ JUG; 3. „GEO-PUT“ d.o.o.MAGLAJ; 4. „MGV GRADNJA“ d.o.o. ZAVIDOVIĆI; i 5.GTPD „POROBIĆ“ d.o.o. ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije o čemu je sačinila Zapisnik o otvaranju ponuda broj: 02-11-2184/25-AP-2 od 18.11.2025. godine i Zapisnik o ocijeni ponude broj:02-11-2184/25-AP-3 od 19.11.2025. godine.

Nakon utvrđivanja sadržaja svih podnesenih ponuda, Komisija je utvrdila da su sve ponude blagovremene i formalno ispravne i tehnički zadovoljavajuće, jer sadrže sve priloge tražene kao u sadržaju navedenom u tenderskoj dokumentaciji predmetne javne nabavke.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 27.11.2025. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda nakon E-aukcije, broj: 02-11-2184/25-AP-4 od 27.11.2025. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„HAJDIĆ“ d.o.o. MAGLAJ	44.900,00 KM
2.	„GEO-PUT“ d.o.o.MAGLAJ	45.000,00 KM
3.	„MGV GRADNJA“ d.o.o. ZAVIDOVIĆI	49.799,00 KM
4.	„DOBOJPUTEVI“ d.d. DOBOJ JUG	50.186,56 KM
5.	GTPD „POROBIĆ“ d.o.o. ZAVIDOVIĆI	50.204,50 KM

Ugovorni organ je dana, 28.11.2025. godine donio Odluku broj 02-11-2184/25-AP-6 kojom je prihvaćena kao najpovoljnija ponuda ponuđača „HAJDIĆ“ d.o.o. MAGLAJ.

Nakon što je zaprimio Odluku ponuđač „HAJDIĆ“ d.o.o. MAGLAJ, nije dostavio dokumentaciju iz člana 45. Zakona o javnim nabavkama u propisanom roku, te je Odlukom broj 02-11-2184/25-AP-8 od 12.12.2025. godine, dodjeljen ugovor drugorangiranom ponuđaču „GEO-PUT“ d.o.o.MAGLAJ.

Dana 18.12. 2025. godine putem e mail ugovorni organ zaprimio je od drugorangiranog ponuđača „GEO-PUT“ d.o.o.MAGLAJ Izjavu od 18.12.2025. godine u kojoj se navodi da odustaje od prihvatanja ugovora „Sanacija ulice Gazi Husrev begova, Grad Zavidovići“, zbog ranije preuzetih ugovora.

Obzirom da je ponuđač „MGV GRADNJA“ d.o.o. ZAVIDOVIĆI rangiran na poziciji redni broj 3(tri), u skladu sa 72. stav 3. Zakona o javnim nabavkama, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, te se ugovor dodijeljen trećerangiranom ponuđaču MGV GRADNJA“ d.o.o. ZAVIDOVIĆI.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku

2. U spis.

Akt pripremila:

(Sanela Mulahasanović)

Akt pregledao:

(Midhat Bajramović)

Akt pregledao:

(Nermin Čahtarević)

GRADONAČELNICA

mr. iur. Erna Merdić Smailhodžić

